

PAPURAU BUSNES

DYDD MERCHER, 5 EBRILL 2000

RHAN 1 – ADRAN A

AGENDA

Bydd y cyfarfod yn cychwyn am 2pm

Bydd y Trefnydd yn cyflwyno Cynnig Trefniadol o dan Reol Sefydlog 6.16 (I ganiatau'r etholiadau canlynol digwydd)

Ethol Bwyllgorau Sefydlog

Cynnig bod y Cynulliad, yn unol â rheol sefydlog 59(2) a (4) o Ddeddf Llywodraeth Cymru 1998, yn ethol yr aelodau canlynol i'w Bwyllgor Deddfau:

Huw Lewis (Llafur)
John Marek (Llafur)
Lynne Neagle (Llafur)
Karen Sinclair (Llafur)
Jocelyn Davies (Plaid Cymru)
Dai Lloyd (Plaid Cymru)
Owen John Thomas (Plaid Cymru)
Nick Bourne (Ceidwadwyr)
Mike German (Democratiaid Rhyddfrydol)

yn ethol Mike German (Democratiaid Rhyddfrydol) i fod yn gadeirydd y Pwyllgor.

Cynnig bod y Cynulliad, yn unol â rheol sefydlog 60(3) a (5) o Ddeddf Llywodraeth Cymru 1998, yn ethol yr aelodau canlynol i'w Bwyllgor Archwilio:

Lorraine Barrett (Llafur)
Brian Gibbons (Llafur)
Alison Halford (Llafur)
Jane Davidson (Llafur)
Janet Davies (Plaid Cymru)
Geraint Davies (Plaid Cymru)
Dafydd Wigley (Plaid Cymru)
Alun Cairns (Ceidwadwyr)
Peter Black (Democratiaid Rhyddfrydol)

yn ethol Janet Davies (Plaid Cymru) i fod yn gadeirydd y Pwyllgor.

Cynnig bod y Cynulliad, yn unol â rheol sefydlog 16.2, yn ethol yr aelodau canlynol i'w Bwyllgor ar Safonau Ymddygiad:

Richard Edwards (Llafur)
Val Feld (Llafur)
Gwenda Thomas (Llafur)
Janice Gregory (Llafur)
Janet Davies (Plaid Cymru)
Brian Hancock (Plaid Cymru)
Gareth Jones (Plaid Cymru)
David Melding (Ceidwadwyr)
Christine Humphreys (Democratiaid Rhyddfrydol)

yn ethol David Melding (Ceidwadwyr) i fod yn gadeirydd y Pwyllgor.

Cynnig bod y Cynulliad yn ethol yr Aelodau canlynol i'w Bwyllgor ar Gyfle Cyfartal:

Edwina Hart (Llafur)
Christine Chapman (Llafur)
Richard Edwards (Llafur)
Alison Halford (Llafur)
Lorraine Barrett (Llafur)
Gareth Jones (Plaid Cymru)
Helen Mary Jones (Plaid Cymru)
Janet Ryder (Plaid Cymru)
Glyn Davies (Ceidwadwyr)
David Melding (Ceidwadwyr)
Kirsty Williams (Democratiaid Rhyddfrydol)

yn ethol Edwina Hart (Llafur) i fod yn gadeirydd y Pwyllgor.

Cynnig bod y Cynulliad, yn unol â rheol sefydlog 15.4, yn ethol yr aelodau canlynol i'w Bwyllgor ar Faterion Ewropeaidd

Rhodri Morgan (Llafur)
Val Feld (Llafur)
Christine Gwyther (Llafur)
Alun Michael (Llafur)
Alun Pugh (Llafur)
Jocelyn Davies (Plaid Cymru)
Rhodri Glyn Thomas (Plaid Cymru)
Phil Williams (Plaid Cymru)
Nick Bourne (Ceidwadwyr)
Jonathan Morgan (Ceidwadwyr)
Mick Bates (Democratiaid Rhyddfrydol)

yn ethol Rhodri Morgan (Llafur) i fod yn gadeirydd y Pwyllgor.

Cwestiynau i Rosemary Butler, yr Ysgrifennydd dros Addysg cyn 16 oed (15 munud)

Mae rhestr o'r Cwestiynau Llafar ar y Fewnrwyd (a Gwe'r Siambr)

Cwestiynau i Christine Gwyther, yr Ysgrifennydd dros Amaethyddiaeth a Datblygu Gwledig (15 munud)

Mae rhestr o'r Cwestiynau Llafar ar y Fewnrwyd (a Gwe'r Siambr)

Cymeradwyo Rheoliadau Cymorth Gwladol (Symiau at Anghenion Personol) (Cymru) 2000

Ystyried egwyddor Rheoliadau Cymorth Gwladol (Symiau at Anghenion Personol) (Cymru) 2000 a gyflwynwyd i'r Swyddfa Gyflwyno ar 29 Mawrth 2000

Cynnig bod y Cynulliad:

(a) yn ystyried adroddiad y Pwyllgor Deddfau sy'n ymwneud â'r Gorchymyn drafft Rheoliadau Cymorth Iechyd Cenedlaethol (Symiau ar gyfer Gofynion Personol) (Cymru) 2000 a osodwyd yn y Swyddfa Gyflwyno ar 4 Ebrill 2000.

(b) yn cymeradwyo y dylid gwneud y Gorchymyn yn unol â'r drafft a osodwyd yn y Swyddfa Gyflwyno ar 29 Mawrth 2000.

Dadl ar Gwell Cymru

Bod y Cynulliad:

- yn cefnogi'r weledigaeth, y blaenoriaethau a'r gwerthoedd a nodir yn y rhagarweiniad i'r cynllun corfforaethol, gwellcymru.com a gyflwynwyd i'r Swyddfa Gyflwyno ar 29 Mawrth;
- yn nodi'r rhaglen fanwl ar gyfer y Llywodraeth a geir yn y ddogfen ac yn nodi'r cynigion ar gyfer adrodd ac adolygu cynnydd; ac
- yn cytuno y dylid datblygu a phrofi'r camau gweithredu manwl gyda phartneriaid a'u trafod yn y pwyllgorau

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu grwpio'r gwelliannau fel a ganlyn at ddibenion trafodaeth – ond bydd y pleidleisiau'n cael eu cymryd yn unigol.

(1+8+9)

(2+5+6+7)

(3+4)

Gwelliant 1 - Michael German (Dwyrain De Cymru);

Yn y pwynt bwled cyntaf dileer "cefnogi'r" a gosoder "nodi'r" yn ei le.

Gwelliant 2 - Cynog Dafis Canolbarth a Gorllewin Cymru;

Ar ôl y gair cynnydd ym mhwynt bwled 2; ychwaneger: "gan dderbyn bod angen i'r rhaglen hon fod yn seiliedig ar ddata cadarn;"

Gwelliant 3 - Nick Bourne Canolbarth a Gorllewin Cymru;

Yn yr ail bwynt bwled, dileer y gair olaf 'a',

Ar ôl yr ail bwynt bwled, ychwaneger:

"yn annog bod grantiau penodol ar gyfer arallgyfeirio i ffermwyr yn cael eu darparu a fydd yn ychwanegol at y Pecyn Cymorth i Gefn Gwlad a gyhoeddwyd gan Lywodraeth y DU ar 30 Mawrth 2000;

yn mynegi gofid ynghylch y modd y defnyddir arian Amcan 1 gan gyfeirio'n benodol at helpu'r sector preifat i fanteisio ar gyfleoedd ariannu, a;"

Gwelliant 4 - David Melding, Canol De Cymru

Yn yr ail bwynt bwled, dileer y gair olaf "a"

Ychwaneger trydydd pwynt bwled;

"cydnabod cyfraniad canolog yr NHS at iechyd a lles pobl Cymru ac yn pwysleisio'r angen am amserau aros gwarantedig ar gyfer trin cleifion a phwysigrwydd cynyddu rhaglen gyfalaf yr NHS, a;"

Gwelliant 5 - Cynog Dafis, Canolbarth a Gorllewin Cymru;

Ychwaneger y pwynt bwled canlynol:

"yn ailbwysleisio y dylai llywodraeth y DU ddarparu arian digonol, gan sicrhau yn arbennig bod arian o'r Gronfa Strwythurol Ewropeaidd ac arian cyfatebol digonol yn ychwanegol at y bloc Cymreig.

Gwelliant 6 - Cynog Dafis Canolbarth a Gorllewin Cymru;

Ychwaneger y pwynt bwled canlynol:

"yn nodi bod angen cynnal archwiliad buan o'r graddau y gall y Cynulliad yn effeithiol gysylltu datblygu polisi, deddfwriaeth a gweithredu er mwyn prysuro cynigion ar gyfer gwella."

Gwelliant 7 - Cynog Dafis Canolbarth a Gorllewin Cymru;

Ychwaneger y pwynt bwled canlynol:

"yn cytuno, wrth adolygu'r rhaglen, y rhoddir ystyriaeth i gasgliadau Uwch-gynhadledd Lisbon, yn enwedig y rheini sy'n ymwneud â chyflogaeth."

Gwelliant 8 - Michael German (Dwyrain De Cymru);

Ar ddiwedd y cynnig ychwaneger bwynt bwled arall:

"yn nodi na ellir gweithredu'r rhaglen Gwell Cymru yn effeithiol gan weinyddiaeth o leiafrif yn y Cynulliad oni fydd y weinyddiaeth honno yn cydnabod (1) rôl ganolog Pwyllgorau'r Cynulliad o ran trafod a chyfarwyddo polisi (2) pwysigrwydd hanfodol bod yn agored i'r cyhoedd a rhyddid i gael gwybodaeth (3) yr angen i ddemocrateiddio Cyrff Cyhoeddus Noddedig y Cynulliad"

Gwelliant 9 - Michael German (Dwyrain De Cymru);

Ar ddiwedd y cynnig ychwaneger bwynt bwled arall:

"yn nodi bod cyflawni llawer o'r amcanion a ddisgrifir yn 'Gwell Cymru' yn dibynnu ar gael cyllid punt-am-bunt llawn oddi wrth Drysorlys y DU ar gyfer yr ardaloedd Amcan Un yng Nghymru."

Dadl ar ddiwygio'r Rheolau Sefydlog

Cynnig: bod y Cynulliad, gan weithredu o dan adran 46(6) o Ddeddf Llywodraeth Cymru 1998 a Rheol Sefydlog 26:

i) yn cymeradwyo'r diwygiadau canlynol i'r Rheolau Sefydlog;

ii) yn penderfynu y bydd dyletswydd y cabinet i gyflwyno cynnig o dan baragraff 23.10 o Ddiwygiad 8 yn dod i rym ar gyfer blwyddyn 2001 ymlaen;

iii) yn penderfynu y daw pob diwygiad arall i rym ar unwaith:

Diwygiad 1

Ychwaneger at ddiwedd paragraff 1.10:

"Yn absenoldeb neu ar gais y Dirprwy, caiff y Llywydd gyflawni unrhyw swyddogaeth a neulltuir i'r Dirprwy gan y Rheolau Sefydlog. Lle bo'r Rheolau Sefydlog yn ei gwneud yn ofynnol i'r Llywydd neu'r Dirprwy arfer swyddogaeth mewn perthynas ag unrhyw fater y mae gan y Llywydd neu'r Dirprwy unrhyw fuddiant personol neu ariannol uniongyrchol neu anuniongyrchol ynddo rhaid iddo ef neu iddi hi ofyn i'r swyddogaeth gael ei harfer gan y Dirprwy neu'r Llywydd yn ei le neu yn ei lle yn ôl fel y digwydd."

Diwygiad 2

Ym mharagraffau 4.3 a 4.4 dileer "mynd â hi'n bersonol" a mewnosoder "ei chyflwyno"

Ychwaneger:

"4.4A Caiff Aelod gyflwyno'r ffurflen y cyfeirir ati ym mharagraff 4.3 neu 4.4 trwy fynd â hi i'r swyddfa gyflwyno neu drefnu i berson arall wneud hynny neu ei hanfon trwy'r post ond ni fernir bod y ffurflen wedi ei chyflwyno nes iddi ddod i law yn y swyddfa gyflwyno."

4.4B Bydd yr Aelodau o dan ddyletswydd barhaus i sicrhau, trwy archwilio'r gofrestr fuddiannau o bryd i'w gilydd, ei bod yn cynnwys yn gywir y manylion a hysbyswyd ganddynt o dan baragraffau 4.3 neu 4.4."

Diwygiad 3

Ym mharagraff 6.3 (ii) dileer popeth hyd at "ateb cwestiynau" a mewnsoder "i'r Ysgrifennydd Cyllid ac unrhyw Ysgrifennydd Cynulliad (gan gynnwys lle bo'n briodol y Prif Ysgrifennydd) y clustnodwyd maes atebolrwydd iddo ef neu iddi hi o dan A.56(3) o'r Ddeddf.."

Ychwaneger:

"6.3A Os nad yw'n rhesymol ymarferol i Ysgrifennydd Cynulliad, gan gynnwys y Prif Ysgrifennydd, ateb cwestiynau llafar ar ddiwrnod pan fydd yr Ysgrifennydd Cynulliad fel rheol yn gwneud hynny, gall Ysgrifennydd Cynulliad arall, gyda chydsyniad gan y Llywydd o flaen llaw, ateb cwestiynau ar ran yr Ysgrifennydd Cynulliad hwnnw."

Ym mharagraff 6.28 dileer "y Prif Ysgrifennydd" a mewnosoder "cwestiynau i'r Prif Ysgrifennydd o dan baragraff 6.3(i)".

Diwygiad 4

Ychwaneger paragraph 8.25A newydd:

"8.25A Gall Cadeirydd unrhyw Bwyllgor y mae'r paragraff hwn yn ymwneud ag ef, ar ôl ymgynghori â'r Llywydd, alw cyfarfod o'r Pwyllgor yn ystod wythnos na fydd y Cynulliad yn cynnal cyfarfod llawn ynddi er mwyn ystyried mater brys o bwys cyhoeddus. Y Pwyllgorau Pwnc a'r Pwyllgor Safonau Ymddygiad yw'r Pwyllgorau y mae'r paragraff hwn yn ymwneud â hwy."

Diwygiad 5

Ychwaneger paragraffau newydd at Reol Sefydlog 19 fel a ganlyn:

Hysbysu Trafodion Penodol

"19.15 Rhaid i Ysgrifennydd Cynulliad sy'n bwriadu awdurdodi Trafodiad Hysbysadwy, sef:

- i) gwneud rhodd y mae paragraff 19.17 yn gymwys iddo;
- ii) tynnu atebolrwydd mae paragraff 19.18 yn gymwys iddo neu;
- iii) gollwng benthyciad mae paragraff 19.19 yn gymwys iddo;

osod gerbron y Cynulliad cyn gwneud hynny ddatganiad yn cynnwys yr wybodaeth a bennir ym mharagraff 19.20. Pan fydd datganiad felly wedi'i osod, ni chaiff yr Ysgrifennydd Cynulliad awdurdodi Trafodiad Hysbysadwy nes y bydd 10 diwrnod gwaith wedi mynd heibio ers i'r datganiad gael ei osod.

19.16 Os bydd o leiaf 10 Aelod, cyn pen y cyfnod o 10 diwrnod gwaith y cyfeirir ato ym mharagraff 19.15, yn cyflwyno Hysbysiad yn gofyn i'r Ysgrifennydd Cynulliad geisio cymeradwyaeth y Cynulliad ar gyfer y Trafodiad Hysbysadwy, yna bydd yr Ysgrifennydd Cynulliad yn cyflwyno cynnig yn gofyn am gymeradwyaeth y Cynulliad i'r Trafodiad Hysbysadwy ac ni chaiff yr Ysgrifennydd Cynulliad awdurdodi'r Trafodiad nes bod y gymeradwyaeth honno wedi'i rhoi.

19.17 i) Rhodd y mae'r paragraff hwn yn gymwys iddo yw un:

- a) y mae ei werth o dros £100,000 neu;
- b) sydd â nodweddion (boed o ran ei disgrifiad neu'n gyffredinol) neu sy'n cael ei wneud o dan amgylchiadau (boed drwy gyfeiriad at y sawl y bwriedir gwneud y rhodd iddo neu iddi neu'n gyffredinol) sy'n sylweddol wahanol i'r rhai sy'n perthyn i roddion a wneir fel arfer gan gyrff cyhoeddus yn y Deyrnas Unedig.

ii) At ddibenion y paragraff hwn mae rhodd yn cynnwys benthyciad am amser amhenodedig neu fenthyciad am gyfnod sy'n gyfartal ag oes ddefnyddiol ddisgwyliedig yr ased, neu'n fwy na hynny, ac unrhyw drafodiad sy'n golygu cael gwared ar ased am lai na'i werth llawn. Lle ceir gwared ar ased am lai na'i werth llawn, cymerir mai'r gwahaniaeth rhwng ei werth llawn a swm unrhyw bris y bwriedir ei dalu amdano yw gwerth y rhodd.

19.18 Mae atebolrwydd y mae'r paragraff hwn yn gymwys iddo yn atebolrwydd amodol neu gyflawnedig a allai fynd dros £100,000, o dan warant, indemnïad, llythyr neu ddatganiad o gysur neu drefniant arall â'r un effaith neu effaith debyg ond nad yw'n cynnwys ymrwymiad contractiol i wneud taliadau yn y dyfodol o dan contract a ymrwymwyd iddo yn nhrefn arferol cyflawni swyddogaethau'r Cynulliad nac ymrwymiad i wneud taliadau grant o dan gynllun grant statudol.

19.19 Gollyngiad benthyciad y mae'r paragraff hwn yn gymwys iddo yw gollwng, yn llwyr neu'n rhannol, rwymedigaeth i ad-dalu neu i ddychwelyd arian neu eiddo arall a fenthyciwyd gan y Cynulliad, ar yr amod mai lleihau mwy na £20 miliwn ar yr atebolrwydd i'r Cynulliad yw effaith y gollyngiad

19.20 a) Bydd y datganiad a osodir gerbron y Cynulliad o dan baragraff 19.15 yn cynnwys y wybodaeth ganlynol:

- i) os bydd yn ymwneud â rhodd, natur a gwerth y rhodd, yr amgylchiadau y bwriedir ei roi odanynt, y derbynnydd ac, os bydd angen amnewid, cost a natur yr amnewidiad a phryd y disgwilir cael yr amnewidiad;
- ii) os bydd yn ymwneud â thynnu atebolrwydd, amcangyfrif o faint yr atebolrwydd ac am faint y disgwylir iddo barhau, y rheswm dros dynnu'r atebolrwydd, y corff neu'r cyrff o dan sylw;
- iii) os bydd yn ymwneud â gollwng benthyciad, y person neu'r corff a fydd yn elwa ar y gollyngiad, yr amgylchiadau y gwnaed y benthyciad odanynt, y rhesymau dros ollwng y benthyciad a'r swm y bwriedir ei ollwng.

b) Bydd y datganiad yn cynnwys, yn ychwanegol at yr wybodaeth a bennir uchod, unrhyw wybodaeth berthnasol arall y bydd ei hangen i'w gwneud yn bosibl i ddeall amgylchiadau'r Trafodiad Hysbysadwy.

19.21 Bydd Ysgrifennydd Cynulliad sydd ar unrhyw adeg yn dod i wybod:

- i) nad yw'r wybodaeth a roddwyd mewn datganiad a osodwyd gerbron y Cynulliad o dan baragraff 19.15, neu ddatganiad atodol a osodwyd o dan y paragraff hwn, yn gywir mwyach i radd sylweddol, neu;
- ii) bod atebolrwydd a oedd yn amodol pan osodwyd datganiad wedi dod yn atebolrwydd cyflawnedig:

yn gosod datganiad atodol gerbron y Cynulliad yn esbonio ac yn cywiro'r anghywirdeb neu'n disgrifio'r amgylchiadau y daeth yr atebolrwydd yn gyflawnedig odanynt. Os bydd o leiaf 10 Aelod, cyn pen y cyfnod o 10 diwrnod gwaith ar ôl gosod y datganiad atodol, yn cyflwyno cynnig sy'n gofyn i'r Ysgrifennydd Cynulliad wneud datganiad llafar i'r Cynulliad i esbonio'r amgylchiadau a'i gwnaeth yn ofynnol gosod y datganiad atodol, bydd yr Ysgrifennydd Cynulliad yn gwneud y datganiad hwnnw mor fuan â phosibl a bydd yn ateb cwestiynau'r Aelodau ar y datganiad hwnnw.

19.22 Caiff Ysgrifennydd Cynulliad, lle bo angen brys, awdurdodi Trafodiad Hysbysadwy sy'n dod o fewn paragraff 19.18 heb gydymffurfio yn gyntaf a pharagraffau 19.15 a 19.16 ond bydd yn gwneud datganiad llafar i'r Cynulliad mor fuan a phosibl ac yn ateb cwestiynau Aelodau ar y datganiad hwnnw.

19.23 Ni fydd y ffaith bod Trafodiad Hysbysadwy sy'n dod o fewn paragraff 19.18 wedi ei gyflawni heb gydymffurfio yn gyntaf â pharagraffau 19.15 a 19.16 uchod ynddi'i hun yn effeithio ar hawliau'r person y mae'r atebolrwydd posibl yn ddyledus iddo.

Diwygiad 6

Mewnosoder ar ôl y frawddeg gyntaf o baragraff 22.59:

"Trefnir bod amser ar gael i'r cynnig gael ei drafod o fewn 20 diwrnod gwaith o ddyddiad ei gyflwyno (heb gyfrif diwrnodau gwaith mewn wythnos pan na fydd unrhyw gyfarfod llawn o'r Cynulliad)."

Diwygiad 7

Mewnosoder ar ol paragraff 23.8:

Gweithdrefnau ar gyfer cynnig Mesurau cyhoeddus a diwygiadau iddynt

23.9 Caiff Ysgrifennydd Cynulliad, neu o leiaf dri Aelod, gyflwyno cynnig yn galw ar lywodraeth y DU i ddwyn ymlaen Fesur cyhoeddus ar fater a bennir yn y cynnig, neu ddiwygiadau i Fesur penodol sydd gerbron y naill neu'r llall o ddau Dy'r Senedd ar y pryd. Bydd y cynnig yn disgrifio diben ac effaith y cynnig yn ddigon manwl i alluogi'r Mesur neu'r diwygiadau y gofynnir amdanynt i gael eu drafftio.

23.10 Erbyn 31 Mawrth bob blwyddyn fan bellaf, bydd y Cynulliad yn trafod cynnig o dan baragraff 23.9 a fydd wedi'i gyflwyno gan Ysgrifennydd Cynulliad. Bydd y cynnig hwnnw yn cynnwys cynigion Cabinet y Cynulliad am ddeddfwriaeth gynradd yn sesiwn canlynol Senedd y DU neu, os nad oes gan y Cabinet unrhyw gynigion o'r fath, yn gwahodd y Cynulliad i nodi hynny. Serch hynny, gellir cyflwyno cynigion pellach o dan baragraff 23.9 ar unrhyw adeg.

23.11 Rhaid cyflwyno arfarniad o gostau, manteision ac unrhyw oblygiad arall sydd i'r Mesur neu'r diwygiadau o leiaf bum diwrnod gwaith cyn y trafodir cynnig o dan baragraff 23.9.

23.12 Os bydd y Cynulliad yn cymeradwyo'r cynnig, bydd y Prif Ysgrifennydd yn cyfleu ei gynnwys, mor fuan a phosibl, i Ysgrifennydd Gwladol Cymru. Bydd y Prif Ysgrifennydd neu Ysgrifennydd Cynulliad yn rhoi adroddiad i'r Cynulliad o bryd i'w gilydd ar ymateb Llywodraeth y DU i gynigion y Cynulliad ac ar hynt unrhyw Fesur neu ddiwygiadau a gynigiwyd gan y Cynulliad ac y mae Llywodraeth y DU wedi cytuno eu dwyn ymlaen.

23.13 Wrth gyflwyno, trafod a gweithredu yn sgil unrhyw gynnig a gyflwynir o dan baragraff 23.9, bydd y Cynulliad a'i Aelodau yn rhoi sylw i unrhyw ganllawiau neu brotocol y bydd y Cynulliad yn eu mabwysiadu o bryd i'w gilydd ar gynigion ar gyfer mesurau Cyhoeddus

23.14 Nid yw paragraffau 23.9 i 23.13 yn rhagfarnu hawl unrhyw Ysgrifennydd Cynulliad neu unrhyw Aelod i gyflwyno sylwadau i Lywodraeth y DU neu i unrhyw Aelod Seneddol ar unrhyw adeg ar faterion sy'n ymwneud â deddfwriaeth gynradd.

Diwygiad 8

Ym mharagraff 23.2, dileer "ddau ddiwrnod gwaith" a mewnosoder "pum diwrnod gwaith".

Diwygiad 9

Ym mharagraff 23.4, dileer "ddau ddiwrnod gwaith" a mewnosoder "pum diwrnod gwaith".

Diwygiad 10

Ym mharagraff 23.6, dileer "ddau ddiwrnod gwaith" a mewnosoder "pum diwrnod gwaith"

(Bydd gofyn i'r cynnig hwn gael mwyafrif o ddwy ran o dair o'r rhai sy'n pleidleisio er mwyn bod yn llwyddiannus)

Dadl Fer: (i ddechrau erbyn 5pm)

Richard Edwards (Preseli Sir Benfro); Dim Safleoedd Niwclear Newydd yng Nghymru

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad

am 2.00pm ddydd Mawrth, 11 Ebrill 2000

J W Lloyd

Clerc y Cynulliad